

GUZU KIROL ESKAINZA 2022/2023


Ikasturte honetan, GUZUren hasierako ideia berreskuratzen hasiko gara. Orain 6 urte abiatutako hausnarketan, komunitatean amets egin eta ekarrekin egin nahi genuen bidea adostu genuen.

Hor agertu ziren sormena, elkarlana, jakintza desberdinetan murgiltzeko nahia, herriarekin lotura sakontzekoa, belaunaldien arteko harremanen aberastasuna, proiektu anitzen antolaketa...

Egia da pandemiak eman nahi genituen pauso batzuk baldintzatu dituela, baina aurton, azkenean, aukera dugu nahi genuen hura bere sakontasunean aplikatzen hasteko, eta horretan hasiko gara!

Hona hemen GUZU PROIEKTUAREN hiru arloak.

GURIE



Proiektu errealak, herrirako sortuak, Ikastola osoko ikasleen parte hartzearekin. GURie espazioa praktikoa da eta adin desberdinetako ikasleen arteko elkarlana eta elkar ezagutza bultzatuko du.

Hasteko, egun eta gai berezien inguruan lantzen hasiko gara: euskararen eguna, martxoak 8, ingurumen astea, jaialdi egunak...

Helburuak:

- Proiektu sortzaile eta ekintzaileak sortzea.
- Egiten ikastea eta, horrela, komunitateari eta herriari ekarpenak eginez, proiektu anitzen garapena sustatzea.
- Teoria praktikan jartzea.
- Elkarlana, inplikazioa eta saiatzearen baloreak balioan jartzea.

GUTZAKO



Errefortzu orduak eta eskolaz kanpoko ekintzen eskaintza da. Laguntza behar duten ikasleek honen barruan jasoko dute eta etxeko lanen bat balego, hemen ere burutzeko aukera egongo da. Era honetan, 16:30etarako horiek eginda atera daitezke ikastolatik. Jakintza mota desberdinak edota multikirolak egiteko aukera ere eskainiko du GUTzakok.

Helburuak:


- Behar duten ikasleei laguntza gehigarri bat eskaintzea ikasgai espezifikoetan.
- Ikasleek etxera daramaten lan-karga gutxitzea.
- Ikastolaren eskolaz kanpoko ekintzen aniztasuna aberastea.
- Eskaintza hori ikasle eta familia guztientzat eskuragai egotea.

GUMAKERS

Ikastolako irteera profila sendotzeko konpetentzia ez kurrikularrak lantzeko tailerrak dira. Artea, informazio teknologiak, dramatizazioa, edo irteera profilarekin bat datozen bestelako hainbat gai lantzeko tartea. Espazio honek, gainera, hala nahiko luketen gurasoei tailerrak dinamizatzeko aukera ematen die. Besteak irakasleek edo monitoreek bideratuko lituzkete.

Helburuak:

- Zeharkako konpetentziak landuz, ikasleen esperientziak aberastea.
- Ikasleei esperimentaziorako aukera zabaltzea.
- Ikastolako agente desberdinak ikasketa prozesuko parte bilakatzea.
- Ikastolako rola aldatzea.



GUZU KIROL ESKAINTZA 2022/2023



SORMENA / LH1etik LH6ra

Sormen libreko tailerra gertuko bidelaguntza maitakor eta ez bideratua eskainiz. Plastika eta pintuaren mundua ezagutuko da bakoitzaren erritmora. Autonomia, autoestimua eta liskarrak kudeatzeko gaitasuna landuko da.

ANTZERKIA / LH1etik gora

Gorputz eta sentipenen arteko lotura emozionala bultzatzeko saioak izango dira, tresna tekniko, sormenezko eta emoziozkoak berengana ditzaten. Halaber, arlo konkretuen inguruko hurbilpena: ikuskizunak sortzeko prozesua, eszenografia...



MUSIKA / HH4tik LH6ra

Isiltasuna, armonia, erritmoa... Ongizatea lortzeko, komunikazio bideak irekitzea, emozio eta sentimenduak askatuz. Jolasen bidez, musikaren munduan murgiltzeko aukera interpretazioa, inprobisazioa, ahotsa, mugimendua...

DANTZA MODERNOAK:

Funky, Hip hop... / LH1etik DBH2ra

Koordinazioa eta psikomotrizitatea garatzeaz gain, sormena, oreka, malgutasuna eta indarra lantzen dira. Talde lana, autoezagutza, koreografia...



TXIKIRRITMO / HH3tik HH5era

Dantza tresna paregabea da umearen garapen integrala aberasteko: garapen kognitiboa, psikomotorra, afektiboa, sozializazioa eta komunikazioa lantzen lagunduz.

ROBOTIKA / LH3tik DBH2ra

Zientzialari gisa, makinen funtzionamendua ikertu eta robotikan eta programazioan murgilduko dira bizitza errealeko erronkak ebatziz.



BERTSOLARITZA /DBH 1 eta 2

Hitz jokoen bitartez eta gure hizkuntza Euskara gidari, malgutasuna eta (h)urbiltasunaren sorrera.



KORUA / LH1tik LH6ra

Norberaren instrumentu nagusia den ahotsa ezagutzeko eta erabiltzen ikasteko aukera, pertsona bakoitzari bere potentziala garatzen lagunduz eta kantu teknika hobetuz.



HATZ 10 / LH3tik gora

Bakoitzak bere erritmoan eta joko desberdinen bidez, letrekin harreman zuzena edukitzeko aukera paregabea.



SUKALDARITZA /HH3tik gora

Jaten duguna garelako, era erraz eta sinple batean hurbileko elikagaiak ezagutu, uztartu eta dastatzeko aukera. Jaki-tun izateko aukera.



INFORMATIKA /LH4tik LH5era

Informatikaren oinarrizko jakintzak ezagutzearekin batera, ordenagailuen erabilera zaindu eta egokia sustatzen duen ikastaroa.





GUZU KIROL ESKAINZA 2022/2023



INGELESA / HH4tik LH6ra

Hizkuntza eta kulturaren jabetze prozesua ahalbidetzen duten metodologia, estrategia eta baliabide didaktikoen bidezko hezkuntza.

FRANTSESA / LH3tik LH6ra

Euskal Herrian berba egiten den hizkuntzetako bat izanik, metodologi desberdinen bidez bere ezagutzan sakontzeko aukera paregabea.



KIROLAK

Kirol jarduerak onura asko dituztela eta balioetan hezteko lanabes baliagarriak direla gizartean sustraitutako ideia da. Kiroltasuna, joko garbia, errespetua, talde lana, ohitura osasuntsuak...

AURREKIROLA / HH5

SASKI ESKOLA / LH1-LH2

SASKIBALOIA / LH3tik gora

FUTBOL ESKOLA / LH1-LH2

FUTBOLA / LH3tik gora



SeberAltube

IKASTOLA